

新刊名臣碑傳琬琰之集

十九

新刊名臣碑傳琬琰之集目錄下

眉州進士杜大理編



卷一

潘武惠公美傳

太史

王中書公斌傳

太史

卷二

張文定公齊賢傳

太史

卷三

范魯公質傳

太史曾鞏

魏丞相仁浦

太史曾鞏

王文康公傳

太史曾鞏

薛文惠公居正

太史曾鞏

盧丞相多遜

太史曾鞏

李文正公昉

子宗器

太史曾鞏

呂正惠公端

兄餘慶

太史曾鞏

李文靖公沆

太史曾鞏

向文簡公敏中

王文穆公敏若

太史曾鞏

太史曾鞏

丁晉公謂

太史曾鞏

李文定公迪

太史曾鞏

卷四

畢文簡公士安傳

學士畢仲游

卷五

李良僖公處傳

太史曾鞏

曹侍中利用

太史曾鞏

李太傅漢超

太史曾鞏

郭觀察進

太史曾鞏

党節度進

太史曾鞏

曹太尉翰

太史曾鞏

符太傅彥卿

太史曾鞏

卷六

李參政其仁傳

太史曾鞏

錢學士若水

太史曾鞏

包孝肅公拯

太史曾鞏

卷七

陶翰林穀傳

太史曾鞏

臧學士綸

太史曾鞏

徐常侍鉉

太史曾鞏

楊文莊公徽之

太史曾鞏

王翰林禹偁

太史曾鞏

孫學士何

太史曾鞏

宋文安公白

太史曾鞏

楊文公億

太史曾鞏

柳侍御開

太史曾鞏

蘇學士易簡

太史曾鞏

劉檢討義叟

太史曾鞏

卷八

呂文靖公夷簡傳

太史曾鞏

竇參政傳

太史曾鞏

魯肅簡公宗道

太史曾鞏

盛文肅公度

太史曾鞏

韓忠獻公億

太史曾鞏

宋宣獻公綬

太史曾鞏

劉丞相沆

太史曾鞏

卷九

范忠文公鎮傳

文正公司馬光

傳跋

諫議劉安世

卷十

呂正獻公公著傳

太史

卷十一

顏瀆遺老傳上

文定公蘇轍

卷十二

顏瀆遺老傳下

文定公蘇轍

卷十三

文潞公彥博傳

太史

劉右丞摯傳

太史

卷十四

王荆公安石傳

太史

呂參政惠卿傳

太史

卷十五

唐參政介傳

太史

鄭翰林解

太史

吳給事中復

太史

陳成肅公升之

太史

卷十六

呂汲公大防傳

太史

馮文簡公京傳

太史

張少保商英傳

太史

卷十七

韓侍郎維傳

卷十八

蔡忠懷公確傳

太史

章丞相惇傳

太史

卷十九

范直講祖禹傳

太史

鄒司諫浩傳

太史

劉諫議安世傳

太史

卷二十

曾文肅公布傳

太史

曾文昭公肇

太史

王懿恪公拱辰

太史

韓太保績傳

太史

卷二十一

邵康節先生雍

太史

徐冲晦處士復傳

太史 范 祖禹

程宗丞顥

舍人 曾 鞏

程侍講頤

太史

太史

卷三十二

劉觀文珙行狀

從事郎

呼

賜謚指揮

謚議

太常博士宋

若水

覆謚議

考功郎張

叔椿

卷三十三

劉待制子羽墓誌銘

祕閣修撰張

杕

劉待制碑銘

宣教郎朱

熹

卷三十四

李太尉顯忠行狀

知閣門事張

掄

卷三十五

虞雍公守唐郡事

眉山任

燧

王學士昱墓誌銘

南陽滕

宗諒

新刊名臣碑傳琬琰之集總目卷下

新刊名臣碑傳琬琰之集卷一

潘武惠公美傳

實錄

潘美大名入父璘以膂力應募隸兵籍遷軍小校戍常山以病免歸鄉里美少有大志隸府中典謁時漢政荒亂美私語里人王密曰漢氏歷數將終兇臣肆虐有三靈改卜之北大丈夫當於此時立功名取富貴豈宜碌碌然與萬物共盡會周祖鎮大名世宗自環衛領牙門軍美遂解職委質焉世宗即位補供奉官從征高平配美精卒數千扼江渚嶺虜巢由其路來援美堅壁不與戰虜遁去以功遷西上閣門副使凱旋還正使出監陝州軍俄遷東上閣前使從征關南遷改引進使世宗將用師隴蜀命美護永興屯兵因令經度西事恭帝嗣位召為客省使 太祖素與美厚善及為諸軍推戴還入京城即遣美往見執政美因敷述天命以諭之陝帥袁彥性兇率恣行威福羣小用事多殺人取財賄陝民苦之復日夕繕治甲兵 太祖慮其為變遣美監其軍遂圖之美單騎入

城諭以受命之事因諷令入朝彥即治裝上道 上喜謂左右曰潘美不殺袁彥諭令朝覲成我志矣李重進叛命美乘傳發宿州兵擊賊會以石守信為招討使即以美為行營都監揚州平留美為巡檢以鎮撫之車駕還都錄其功授秦州團練使蜀湖南軍亂其將汪端友叛朝廷與師剪滅人心未寧以美為潭州防禦使賜黃金帶御馬嶺南劉鋹數寇桂陽江華美率兵擊走之郡界溪洞蠻獠自唐末之亂不供王賦頗恣侵略為居民患美率兵深入窮其巢穴斬首萬餘級餘黨潰散美悉令招誘貸其罪以已奉市牛酒宴犒賜金帛以慰撫之夷落遂定乾德二年又與南面兵馬都監引進使丁德裕朗州團練尹崇珂衢州刺史張繼勳率兵克郴州即日繼勳為刺史開寶三年九月征嶺南以美為賀州路行營馬步都部署遣使十餘發諸州兵赴賀州是月進兵克富州敗廣軍萬餘衆進師至臨賀鋹遣將侂彥柔率萬餘衆來援美逆戰於南鄉俘千餘人斬首數千級彥柔衆大潰克賀州十月又下昭桂連三州西江諸州相繼而下即以美為南面都部署長驅至韶州

其地越人之北門也衆十餘萬背城而陣以待官軍美揮兵衆之
張軍大敗奔甲而遁俘斬數萬計拔韶州銀既窮感四年二月遣
偽諫議大夫王珪詣軍門求通好罷兵文遣偽左僕射蕭淮中書
舍人卓惟休奉表至軍中乞降美即令殿直再彥衣部送淮等赴
關銀復遣其弟保興率衆拒戰美即率厲士卒倍道趨柵頭去廣
州百二十里銀衆十五萬依山谷堅壁以待王師美因築壘於
與轉運使王明及諸將計曰彼編竹木爲柵若構火以焚之必擾
亂以銳師夾擊之此萬全之策也遂分遣丁夫數千人持二炬
間道造其柵會暮夜萬炬俱發天大風火勢甚盛銀衆驚擾來犯
王師美麾兵急擊之銀衆大敗斬數萬計長驅抵城下銀盡焚其
府庫及克其城擒銀送闕下露布告捷即日命美與尹崇珂同知
廣州兼市舶使五月錄功就拜山南東道節度五年兼領南道轉
運使上臺周思瓊聚衆負海爲亂美討平之嶺表以定七年召還
命升殿慰勞賜御馬玉帶八年秋議征江南九月遣美與步軍都
虞候劉遇東上閣門使梁迥並率兵先赴江陵十月既命美爲昇
州西南路行營馬步軍戰權都監與曹彬偕往自江陵發兵進討
秦淮次時舟楫未具美率兵先赴號令軍中曰美受詔提驍果數
萬人戰必勝攻必取豈限此一帶水而不徑度乎遂率麾下涉水
大軍隨之吳師大敗及采石磯浮梁成吳以戰艦二十餘艘鳴鼓
汴流而上急趣浮梁美麾兵擊之奪其戰艦生擒偽神衛諸軍
頭鄭賓等七人獲軍器萬餘計俄又破其城南水寨殺戮千餘衆
美分師以保之奏至 太祖立召樞密副使楚昭輔草詔令徙置
戰權以防它變即賜其食遣馳驅徑去使者至會暮美即準詔徙
軍是夕吳人急攻水寨皆無所獲進傳金陵城下王師日進捷江
南平錄其功加檢校太傅宣徽北院使是秋命副党進攻太原爲
行營馬步軍都監與并人萬餘衆戰汾上破之獲馬千餘疋牛羊
數千計俘數萬口以歸太平興國初還改南院使三年加封開府
儀同三司四年正月命將征太原遣美爲北路都招討兼制置太
原行府部分諸將進討美等奉辭 太宗召升殿授以方略賜襲
衣金帶鞍勒馬遣之及繼元降并州平隰其城以榆次縣爲治所

征范陽又以美知幽州行府事及班師命美兼三交都部署
留兵留屯以扞北寇以功加檢校太師三交西北三百里地名回
軍漢谷險絕軍之所保多由此入寇美潛師襲之虜奔城遁軍使
安慶以其族降因積粟屯兵以守之自是虜不敢侵軼居民以安
頃之美巡撫至代州宿戒部下秣馬蓐食俄虜萬餘騎來寇海塞
美令軍士衝救往擊之大破其衆生擒其都指揮使李孟誨餘其
駟馬侍中一人獲馬數百疋俘載其衆手詔褒諭進封代國公七
年以三交寨爲并州治所詔美爲都部署八年以王顯弭德超爲
宣徽南北院使美罷使改忠武軍節度進封韓國公領屯兵如故
雍熙二年太宗爲真宗娶美次女爲夫人後追謚莊懷皇后
將成禮召美還都數月歸屯所三年春大舉征幽州爲雲應鎮等
州行營都部署雲州觀察使楊業爲之副磁州團練使郭超爲押
陣都監三月美率師出西徑與虜遇追到寰州破之斬首五百級
刺史趙彥辛以城降遂圍朔州其節度副使趙希贊以城降轉攻
應州其節度副使文正觀察判官宋雄以城降四月下雲州斬首
千級會班師詔美歸代州俄受詔遷四州之民於內地會戎人奄
至與戰不利喪驍將楊業八月詔曰忠武軍節度檢校太師美
位處殿邦任隆分閫撓彝貅之族執金鼓之權昨以雲朔吏民不
忍委於戎虜因令南徙俾總援兵經塗非除精甲甚衆不能申明
斥堠謹設隄防陷此生民失吾驍將據其巔谷正刑書尚念文
存邊陲累公憂寄爰伸念舊特示從輕可削三資爲檢校太保明
年二月復爲檢校太尉端拱初知真定府未幾復爲并代都部署
知并州淳化二年就加同平章事數月卒年六十七廢朝二日贈
中書令謚武惠中使護其喪歸葬洛陽咸平二年八月詔以美配
饗太宗廟庭子惟德惟固惟平惟清惟熙惟德至宮苑使
惟正西京作坊使惟清崇儀副使惟熙娶王氏延和縣主至莊宅
使平州刺史惟熙子承規今爲閭閻祇儀

王中書全斌傳

實錄

王全斌并州太原人其父事後唐莊宗爲并州軍使私畜勇士百

餘人莊宗疑其有異志使召之懼不敢行全斌時年二十白其父曰此蓋疑大人有他圖願以全斌為質必得釋必從其計果獲全因以全斌隸帳下及莊宗入洛累歷內職同光末蕭瑋有變亂兵逼宮城近臣宿將皆釋甲潛遁惟全斌與符彥卿等十數人居中拒戰莊宗中流矢扶掖歸終霄殺全斌慟哭而去明宗即位補禁軍列校晉初從侯益破張從賓於汜水戰功居多遷護聖指揮使周廣順初改護聖為龍捷以全斌為右廂都指揮使討秦州慕容彥超也為行營馬軍都校顯德中從向訓平秦鳳以功領恩州團練使俄遷領四州防禦使從世宗平淮南復瓦橋關改相州留後國初潞州李筠叛全斌與慕容延釗由東路會王師進討以功拜安國軍節度詔令完葺西山堡塞不踰時而畢建隆四年與洛州防禦使郭進等率兵入太原境俘數千人以歸進樂平乾德二年十一月又為中武軍節度即日下詔伐蜀以全斌為西川行營行軍都部署率禁軍步騎二萬諸州兵萬人由鳳州路進討召全斌示川峽地圖授以方略十二月率兵復乾渠渡萬仞燕子二寨下典州為刺史藍思誥退保西縣敗蜀軍七千人獲軍糧四十餘萬斛乘勝拔石圖魚關曰水二十餘寨俄又先鋒史延德進軍三泉縣敗蜀軍數萬生擒偽招討韓保正副使李進獲糧廩三十餘萬斛而崔彥進康延澤等逐蜀軍過三泉遂至嘉川殺虜其眾蜀人斷閣道未得進全斌議取羅川路入延澤潛謂彥進曰羅川路險軍士難並進不如分兵治棧閣與大軍會於深渡彥進以白全斌然之彥進延澤督治閣道數日成遂進擊金山寨又破小漫天寨全斌由羅川趣深渡與彥進會蜀人依江列陣以待王師彥進遣張萬友等奪其橋舍夜蜀人退保大漫天寨詰朝彥進延澤萬友分三道擊之蜀人悉其精銳來逆戰又大破之乘勝拔其寨為將王審超監軍趙崇澤逃出復與三泉監軍劉延祚大將玉昭遠趙彥韜引兵夾戰與王師遇三戰三敗追至利州昭遠遁去渡桔栢江焚浮梁退守劔門遂克利州得軍糧八十萬斛向利州趨劔門次益光全斌會諸將議曰劔門天險古稱大夫荷戈萬夫莫前諸君宜各陳進取之策付衛軍頭向韜曰降卒牟進言益光河東越

大山數重有狹徑名來茲蜀人於江西置寨對岸有渡自此出劍門關二十里至青強店與大路合可於此進兵即劍門之險不足恃也全斌等即欲卷甲赴之康延澤曰來蘇細徑不須主師自往且蜀人數戰數敗兵退守劍門無如諸帥協力進攻命一偏將趨來蘇若達青強北擊劍關與大軍夾攻破之必矣全斌等然之命史延德分兵趨來蘇造浮梁於江土蜀人見梁成奔寨而遁昭遠聞延德至青強即引兵退陣於漢原坡留其偏將守劍門全斌等擊破之昭遠崇韜皆遁去遣輕騎追獲傅洪闕下克劍門殺蜀軍萬餘人四年正月十三日王師次魏城孟昶遣使奉表來降全斌等入城都後十日餘劉延讓等始自峽至昶饋遺延讓等及犒師並同全斌之至會詔書頒賞諸軍亦無羌降由是兩路兵相嫉蜀人交構主帥遂不協全斌等先授詔發蜀兵赴關人給裝錢十千未行者加給兩月廩食全斌等不即時宣行由是蜀軍憤怨人人思亂兩路隨軍使臣常數十百人全斌彥進及王仁瞻等各保庇之不令部送蜀兵但分遣諸州牙校蜀軍至綿州果叛劫蜀邑衆至十餘萬自號興國軍有僞文州刺史全師雄者嘗爲蜀將有威惠軍人畏伏適以其族赴關至綿州值軍亂師雄恐爲所脅乃奔其家匿於江曲民舍後數日爲亂兵所獲推爲帥全斌遣都監米光緒往招撫之光緒盡滅師雄之族納其愛女及橐裝師雄聞之遂無歸志率衆急攻綿州爲橫河指揮使劉福龍捷指揮使田紹斌擊敗遂攻彭州刺史王繼壽殺都監李德榮據其城十縣皆起兵應師雄自號興蜀大王開幕府置僚屬署節帥二十餘人令分據灌口導江郫縣新繁青城等縣彥進與張萬友高彥暉田欽祚同討之爲師雄所敗彥暉戰死欽祚僅免賊衆益盛全斌又遣張延翰張煦往擊之復不利退入成都自是叩蜀眉雅東川果遂渝合資簡昌普嘉戎榮陵州並隨師雄爲亂郵傳不得通者月餘全斌等其懼時城中蜀兵尚二萬餘人全斌慮其應賊與諸將謀誘致夾城中盡殺之未幾劉延讓曹彬破師雄之衆於新繁生擒萬餘人師雄退保郫縣全斌仁瞻又破之師雄走保灌口寨賊勢旣弱餘黨散保州縣有陵州指揮使元延裕者師雄署爲刺史衆萬

餘仁贍生擒之磔於成都市俄虎捷指揮使呂翰為主將不禮因
殺知嘉州客省使武懷節戰握都監劉澤合衆至五萬餘人逐普
州刺史劉楚信殺通判劉沂及虎捷都校馮紹文果州指揮使宋
德威殺知州八作使王永昌通判渙都監鄭光弼遂州牙校王可
璋率州民爲亂仁贍等討呂翰於嘉州翰走敗入雅州師雄病死
於金堂其黨推謝仁本爲主羅七君爲佐國令公與賊將宋德威
唐陶鼈據銅山旋爲康延澤所破仁贍又敗呂翰於雅州翰走黎
州爲下所殺弃屍水中後丁德裕等分兵招輯賊衆始息全斌至
蜀地適蜀冬暮京城大雪 太祖設氊帷於講殿衣紫貂裘帽以
視事忽謂左右曰我被服如此體尚覺寒念西征將帥衝犯霜霰
何以堪處即解裘帽遣中黃門馳驛齎以賜全斌仍諭旨諸將以
不偏及也全斌拜賜感泣初成都平命參知政事呂餘慶知府事
全斌但典軍旅全斌嘗語所親曰俄聞古之將帥多不能保全功
名今西蜀已平欲稱疾東歸庶免悔吝或曰今寇盜尚多非有詔
旨不可輕去全斌猶豫未決會有訴全斌及彥進破蜀日奪民家
子女玉帛不法等事與諸將同召還 太祖以全斌等初立功雖
犯法不欲辱以獄吏但令中書問狀全斌等具伏詔曰王全斌王
仁贍崔彥進等俾統銳師出征全蜀彼畏威而納款尋馳詔以申
恩用示哀矜式敦綏撫應孟昶宗族官吏將率士民悉令存撫無
令驚擾而乃違戾約束侵侮憲章專殺降兵擅開公帑豪奪婦女
廣納貨財斂萬民之心咨致羣盜之充斥以至再勞調發方獲平
寧洎命旋歸上欲含忍而啣冤之訴日擁國門稱其隱沒金銀犀
玉錢帛十六萬七百餘貫又受僞屬臣僚賂遺九萬餘貫又擅開
豐德庫致失錢二十八萬一千餘貫遂令中書問下召與訟者質
證其事而全斌等皆引伏其令御史臺於朝堂集文武百官議其
罪於是百官定議全斌等罪當大辟准律處分乃下詔曰有征無
戰雖舉於王師禁暴取兵當崇於武德茲庸蜀自敗姦謀爰伐
罪以宣威俄望風而歸命遂令安堵勿犯秋毫庶幾德潤之涵濡
俾生聚之寧息而忠武軍節度王全斌武信軍節度崔彥進董茲
銳旅奉我成謀旣至允定之全功宜體輯柔之深意比謂不日請

謚即時凱旋懋賞策勳抑有異典而固克寅畏速此悔尤貪殘無
厭殺戮非罪誓予偃革職爾既兵尚念前勞特從寬貸止停旄鉞
猶委藩宣我非無恩爾當自省全斌可責授崇義軍節度觀察留
後彥進可責授昭化軍節度觀察留後特進隨州爲崇義軍金州
爲昭化軍以處之仁贍責授右衛大將軍開寶末車駕幸洛陽郊
祀召全斌侍祠以爲武寧節度謂之曰 朕以江左未平慮征南
諸將不遵紀律故抑卿數年爲 朕立法今已克金陵還卿旄鉞
仍以銀器萬兩帛萬疋錢千萬賜之全斌至鎮數月卒年六十九
上甚惜悼之廢朝三日贈中書令天禧二年錄其孫永昌爲三班
奉職全斌輕財重士不求聲譽寬厚容衆軍旅皆樂爲之用黜居
山郡十餘年怡然自得識者稱之子審鈞至崇儀使富州刺史廣
州兵馬鈐轄審銳至供奉官閤門祗候

新刊名臣碑傳琬琰之集卷二

張文定公齊賢傳

實錄

張齊賢曹州冤句人也生三歲值晉亂徙家洛陽居城南之海角村孤貧力學有大志慕唐李大亮爲人故字師亮 太祖時舉賢良方正又獻下井汾富民封建躬孝舉賢太學籍田選良吏懲姦慎刑十策皆報罷頗爲趙普李昉石熙載所知太平興國二年進士釋褐大理評事通判衡州時州鞠劫盜十餘皆論死齊賢始至爲辨理全活五人州將獄官大懼被譴齊賢曰某初成一名豈欲罪衆人而自爲功乎第令改正而已人許其遠大自荆渚至桂州有水逆鋪夫凡數千戶皆樵釣貧民衣食不給湘江多巨潭險石而程限與陸鋪等或阻風波陰霖率被笞捶齊賢言其事詔每鋪夫減半四年代還會親征晉陽就行在謁見遷祕書丞忻州新下命知州事明年二月召還改著作郎直史館賜緋六月改左直拾遺是冬車駕北征齊賢表請從行賜白金二百兩辦裝車駕還議者皆言宜速取幽劍齊賢上疏曰方今海內一家朝野無事闕聖慮者豈不以河東新平屯兵尚衆幽燕未下輦運爲勞以生靈爲念乎臣每料之此不足慮也自河東未降臣即權知忻州浦得契丹納米率典皆自山後轉般以援河東以臣料契丹能自給食則於太原非不盡力然終爲我有者蓋力不足也河東初平人心未固嵐憲忻代未有軍寨入寇則田收頓失擾邊則守備可虞而反保境偷生畏威自守及國家守要害增壁壘左控右扼疆事其嚴恩信已行民心已定乃於鴈門陽武谷來爭小利此則戎狄之智力可料而知也聖人舉事動在萬全百戰百勝不若不戰不勝若重之慎之則戎狄不足吞燕薊不足取自古疆場之難非盡田戎狄亦多邊吏擾而致之若緣邊諸寨撫御得人但使浚壘深溝畜力養銳以逸自處寧我致人此李牧所以稱良將於趙用此術也所謂擇卒不如擇將任力不如任人如是則邊鄙寧寧則輦運減輦運減則河北之民獲休息矣獲休息則田萊增而蚕織廣務農積穀以實邊用且戎狄之心固亦擇利避害安肯投諸死地

而爲寇哉臣又聞家六合者以天下爲心豈止爭乎尺寸之事戎狄之勢而已是故聖人先本而後末安內以養外人民本也戎狄外也是知五帝三王未有不先根本者也堯舜之道無他焉廣推恩於天下之民爾推恩者何在乎安而利之民旣安我則斂衽而至矣 陛下愛民利天下之心直堯舜也臣所慮羣臣所聞多以纖微之利尅下之術侵苦窮民以爲功能者彼爲此効相習已久至于生民疾苦見之如不見聞之如不聞斂死速尤無大於此伏望慎擇通儒分路採訪兩浙江南荆湖西川河東有偽命日賦斂苛重者改而正之因而利之使賦稅課利通濟可經久而行爲聖朝定法除去舊弊天下諸州有不便於民事委長吏聞奏如敢循常不以聞白當嚴加典憲使天下耳目皆知 陛下之心戴 陛下之惠此以德懷遠以惠利民則幽燕竊地之醜沙漠偷生之虜擒之與屈膝在衛內爾六年正月選爲江南西路轉運副使特賜其母邑封十二月改右補闕踰月充正使初辭曰 上而命曰江左初平民間不便一一條奏齊賢曰臣聞江南舊以鐵爲幣今改用銅錢民間難得而官責租課頗受鞭撻此最不便 上 下 吳王即山鑄錢江南多出銅爲 朕密經營之初李氏歲鑄六萬貫自克復增治匠然亦不過七萬貫常患銅及鉛錫之不给齊賢乃訪得爲白丁釧歷指饒信虔山谷產銅鉛錫之所又求前代鑄法爲饒州永平監周唐開元錢料堅實可久由是定取其法歲鑄三十萬貫凡用銅八十五萬斤鉛二十六萬錫十六萬斤齊賢即詣闕面陳其事詔旣下頗有言其妄者乃令中書召齊賢問訊齊賢具述嘗親行山院其詳甚確萬一以之丁釧亦得復補殿前承旨掌銅場又有言新法增鉛錫多者齊賢固引唐朝舊法爲始言不能奪齊賢在任使勤究民弊務行寬大江南人至今稱之召還拜主客郎中樞密直學士賜金紫數月擢右諫議大夫簽書樞密院事賜宜秋門宅一區維熙中遷左諫議三年大舉北伐代州楊繼業戰沒 太宗訪近臣以策畫齊賢請行即授給事中知代州與部署潘美同領緣邊兵馬是歲虜騎自胡谷入寇薄城下神衛都校馬正以所部列南門外衆寡不敵副部署盧漢斌畏懦保壁

自固濟賢選兩軍二千出正之右誓衆感慨一以當百虜遂却走
道胡盧河南而去先是約潘美以兵師來會戰無何間使爲虜所
得齊賢以師期旣漏且虜美之衆爲虜所乘俄而美有使至云師
出并州行四十里至栢井忽得密詔東路王師劔於君子館有詔
并之全軍不得出戰已還州矣于時虜騎塞川齊賢曰虜未知美
之退乃閉其使密室中夜發兵二百人人持一幟負一芻距州城
西南三十里列幟燃芻虜遂見火光中有旗幟意謂并師至矣駭
而北走齊賢先伏步卒二千於土燈寨掩擊大敗之擒其北大王
之子一人帳前舍利一人斬數百級獲馬二千器甲甚衆捷奏至
歸功漢斌 太宗嘉之優詔褒美俄知漢斌未嘗接戰及鈐轄劉
宇皆罷居環衛端拱初拜工部侍郎表求還省母手札慰勞以盛
秋防邊不許就賜白金三千兩是冬虜又自大石路南侵齊賢預
簡廂兵千人爲二部分屯繁峙縣下令曰代西有寇則溇縣之
師應之代東有寇則繁峙之師應之北按戰則郡兵集矣至是果
爲繁峙兵所敗復降詔褒美二年朝議置營南命充河東制置方

田都部署入拜刑部侍郎充樞密副使淳化二年四月參知政事
數月拜吏部侍郎同中書門下平章事齊賢母孫氏八十餘封晉
國太夫人每入謁中禁 太宗嘆其福壽有令子多賜手詔存問
別加錫與摺紳榮之有殿中丞朱貽業者即參知政事李沆之姻
與諸司使王延德同掌庾京師因說託貽業求補外任貽業爲白
沆語齊賢齊賢遠以聞 太宗以延德嘗事晉邸怒其不自陳而
于祈執事召見詰責延德言未嘗有所求即召齊賢質之齊賢且
言得於貽業復召貽業詢之貽業憚延德不以實對齊賢不欲反
沆爲證即自引咎 太宗由是踈之四年十月命知定州齊賢訴
以母老抱羸疾不願離左右上憫然許之是月丁內艱水漿不入
口者七日自是日啖粥一器終喪止食脫粟飯尋有詔起復知成
都府會寇亂不行轉禮部尚書俄知河南府適有大辟獄將夫齊
賢引問得其寃立辨雪之至府裁三日徙知永興軍俄徙知襄州
又移荆南府齊賢累表稱疾求歸洛下 上以安陸去荆渚近而
路僻乃徙知安州踰年加刑部尚書 真宗即位遷戶部尚書召

歸以其舊臣屢被訪問恩禮甚渥咸平初受詔刪定編勅爲十卷
曾呂端罷相拜兵部尚書平章事齊賢以小人犯盜者衆強竊盜
持杖不得財論罪太重非治平之法乃申明律減裁之刪定官王
濟以爲寬則犯者益衆以死懼之尚不畏况緩其死乎是惠姦也
濟強抗手疏言齊賢傷儒不知適時之要齊賢表陳濟嘗同議定
而復有異論乃下尚書省集官詳議并劾濟既而齊賢作相遂上
言不欲與庶僚較其曲直 上欣然嘉其容物遂罷議濟得免劾
而刑名如齊賢之請自是犯盜者歲亦不增先是三班不免杖罰
齊賢請以贖論訖今不易論者稱其平允又請以逃田爲外官職
田以復舊制從容爲 上推本皇王之道所以然且言臣受 陛
下非常恩故以非常報之 上曰朕以爲皇王之道非有迹早庶
事適於治道則近之矣郊祀加門下侍郎明年夏命爲河北沿邊
宣撫大使不行齊賢性迂闊每有敷奏多不直致凡所云爲徒張
本而不能決與李沆同在中書情好不協坐冬至朝會被酒失儀
免相四年李繼遷陷清遠軍命爲涇原汧渭邠寧環慶鄜延保安
鎮戎清遠等州安撫經略使右司諫知制誥梁顥副之俄出手扎
訪齊賢靈州存廢之議齊賢獻疏曰遷賊苞藏兇逆招納叛亡建
立州城創置軍領有歸明歸順之號務且耕且戰之基仍聞潛設
中官全異羌戎之體曲延儒士漸行中國之風觀此作爲志實非
小况靈州自遷賊爲逆以來危困弥甚五鎮連陷姦威益張道路
阻艱音耗迨絕當城鎮完全之日磧路未梗之時大凡中外常人
言合弃者已衆矧清遠軍近遭攻陷青岡塞自趣焚燒兵勢人心
傷沮數倍即今來所議弃者益多靈州斗絕一隅旁無援助南去
鎮戎五百餘里東去環僅六七日程如此畏塗不須改奪則城中
之民何由出城中之兵何以歸欲全軍民理須應接少發兵則復
虞邀劫多發兵則廣費資糧與其應接以出兵曷若用奇而取勝
小勝則軍民可出大勝則形勢復全匪惟擒討之有方抑亦進退而獲
利與其虛勞甲卒枉役齊民示弱餽姦萬萬之相遠也果能更益
精兵合西邊見屯兵甲雜以對替之衆使其兵力有餘量分師徒
與原渭鎮戎合彼中與山西孰戶縱東亦擇穩便處入界若破約

師期兩路齊進苟或繼遷敢來援助彼則分而應敵我則乘勢而易攻且奔命道途首尾難衛千里趨利不敗則擒臣謂兵鋒未交靈州之危解矣因取靈州軍民置於蕭關武延以來據險就水建一寨僑置靈州羈係蕃漢土人之心裁候平寧却歸然後縱蕃漢之兵伺便而奮擊我則按重兵而觀利度賊勢以設謀臣謂破賊成功十有八九未幾靈武果陷閏十二月拜右僕射判邠州兼經略使不行改判永興軍府兼馬步軍部署故相薛居正子惟吉妻柴氏無子家甚富惟吉有子安上安民柴素與之不協既寡又盡畜其祖父金帛計直三萬緡并書籍綸告以謀改適齊賢定娶之自京兆遣牙吏約車來迎行有日矣安上詣東府訴其事府以聞上不欲實于理命司門員外郎張正倫就訊柴氏置對與安上狀謬異上不不得已下其事於御史臺乃齊賢子太子中舍宗誨教柴氏為詞遂驗問柴氏之臧獲發取瘞藏得金具二萬計齊賢坐責授太常卿分司西京宗誨削一任貶海州別駕景德初起為兵部尚書知青州 上幸澶淵兼青淄濰州安撫使提舉轉運兵馬

巡檢事二年改吏部尚書大中祥符初又上疏言臣在 先朝嘗

憂靈夏兩鎮終為繼遷吞併當時言事者以臣所慮為太過略舉既往之事以明本末從東封還拜右僕射是冬久旱明年京師賜酺齊賢以為宴樂陽事不宜為即詔權亭又上言玉清昭應宮績畫符瑞有損謙德及違奉天之意又屢請罷土木之役三年出判河陽 上祀汾陽還駐洛下詔齊賢來朝時車駕幸潛谿謁見行在所從朝諸陵次鞏縣頻奉辭歸任賜襲衣犀帶器幣如侍祠之例進位左僕射五年代還再抗章請老授特進守司空致仕還洛陽別業入辭便坐方拜而仆遂止之許二子扶掖升殿命益坐墜為三齊賢先得唐裴度午橋莊有池榭竹樹之勝日引生平故人觴詠道舊時乘小車按視田稼意甚曠適七年六月無疾而終年七十二 上聞計悼之遣入內殿頭邵文雅致祭賻以布帛五百疋粟麥稱是贈司徒廢朝二日齊賢姿儀碩大善談方畧以致君之術自負往往涉於踈闊前後治獄多所全宥喜提獎寒雋种放之召齊賢所薦也仲兄昭度嘗授經齊賢及貴表求追命詔贈光

祿寺丞族人懷義以鄉里之舊兄事之其卒也爲制服撫其孤如
子未第時館於太子少師李肅家肅精於賞鑒知齊賢必貴厚遇
之肅有子阜卒齊賢母事肅妻供給其厚爲營葬事其後歲時伏
臘必祭享肅堂著遷居戒一篇以訓子孫齊賢四踐兩府九居八
座晚歲以三公就第康寧福壽時罕其比然不事儀矩頗好治生
再入相數起大獄又與寇準相傾奪人以此少之有集五十卷奏
議二十卷太平雅編二卷同歸小說十卷齊賢諸子皆能有立宗
信宗誨宗禮宗亮宗簡宗約宗禮最賢多居洛陽考課當登朝慮
羈束不願離田里善訓子姪率令務學宗誨子子臯子安子庚子
定宗禮子子奭子膺皆擢進士第宗禮子子立

新刊名臣碑傳琬琰之集卷二

新刊名臣碑傳琬琰之集卷三

范魯公質

曾太史

鞏 隆平集

范質字文素魏郡人母夢人授五色筆而質生唐長興中擢進士第仕晉至翰林學士周祖擢為宰相建隆初封魯國公乾德二年罷相初和凝知貢舉愛質所試文自以中第嘗在第十三名故亦以處質其後質官及封國皆與凝同當時謂之傳衣鉢質平居手不釋卷謂人曰嘗有異人言吾當大任無學術何以處之及司制詔人服其該贍奉行制勅未嘗破律為相不受四方饋獻祿賜親族歿無餘財 太祖歎其清慎曰真宰相也 太宗亦言近世輔弼循規矩慎名器無與比者特不能死周社稷乃其短爾子旻

魏丞相仁浦

同前

魏仁浦字道濟衛郡人少為力筆吏隸樞密院周祖為樞密使問以中原卒乘數對曰帶甲者六萬及隱帝遣人害周祖仁浦教以易其語云誅將士以激眾怒心遂長駘度河即位擢樞密承旨復問郡邑屯兵數仁浦詳對按籍無差世宗即位差樞密副使陞使繼命兼相對曰不由科第進曰碩才何如爾遂用之世宗辨急輕殺戮仁浦營救而免者十常七八從出征鋒鏑之下無橫死者有鄭元昭誣仁浦婦翁李溫玉之子從李守政叛捕以告變欲中傷仁浦周祖力辨其誣獲免及仁浦大用元昭懼卒以元昭繼典五郡又嘗為賈延徽譖幾遇禍摠師出征有得延徽以獻者仁浦曰因兵戈報私怨不忍為也人稱其長者建隆初不易其任乾德二年罷相卒子咸信尚主追封仁浦王爵

王文康公浦

同前

王溥字齊物太原人漢乾祐中登進士第周祖鎮蒲津召置幕府從征李守正王景崇得朝臣交結書周祖欲暴其事溥力請焚之周祖將大漸趣草相制聞宣畢曰吾無恨矣世宗嘗問漢相李崧蠟丸書結北虜有記其辭者否溥曰使崧有此肯以示人耶逢吉

新刊名臣碑傳琬琰之集卷三

范魯公質

曾太史

筆 隆平集

范質字文素魏郡人母夢人授五色筆而質生唐長興中擢進士
周祖擢為宰相建隆初封魯國公乾德二年

行慎字缺

愛質所試文自以中第嘗在第十三名故亦

以愛質其後質官及封國皆與疑同當時謂之傳衣鉢質平居手
不釋卷謂人曰嘗有異人言吾當大任無學術何以處之及司制
詔人服其該贍奉行制勅未嘗破律為相不受四方饋獻祿調親
族歿無餘財 太祖歎其清慎曰真宰相也 太宗亦言近世輔
弼循規矩慎名器無與比者特不能死周社稷乃其短爾子旻
魏丞相仁浦

同前

魏仁浦字道濟衛郡人少為力筆吏隸樞密院周祖為樞密使問
以中原卒乘數對曰帶甲者六萬及隱帝遣人害周祖仁浦教以
易其語云誅將士以激眾怒心遂長駭度河即位擢樞密承旨復
問郡邑屯兵數仁浦詳對按籍無差世宗即位差樞密副使陞使
繼命兼相對曰不由科第進曰願才何如爾遂用之世宗辨急輕
殺戮仁浦營救而免者十常七八從出征鋒鏑之下無橫死者有
鄭元昭誣仁浦婦翁李溫玉之子從李守政叛捕以告變欲中傷
仁浦周祖力辨其誣獲免及仁浦大用元昭懼卒以元昭繼典五
郡又嘗為賈延徽譖幾遇禍摠師出征有得延徽以獻者仁浦曰
因兵戈報私怨不忍為也人稱其長者建隆初不易其任乾德二
年罷相卒子咸信尚主追封仁浦王爵

王文康公浦

同前

王溥字齊物太原人漢乾祐中登進士第周祖鎮蒲津召置幕府
從征李守正王景崇得朝臣交結書周祖欲暴其事溥力請焚之
周祖將大漸趣草相制聞宣畢曰吾無恨矣世宗嘗問漢相李崧
蠟丸書結北虜有如其辭者否溥曰使崧有此肯以示人耶逢吉

輩構之耳世宗遂優贈其官建隆初不易舊任乾德二年罷卒謚
文憲後改曰文康父祚仕至上將軍祚致仕溥猶居相位每公侯
引觴爲壽溥侍側如嬰兒人稱其孝敬祚徇貨殖溥亦獲佞晉譏
孫貽永承歷宣徽使同知樞密院事改副使至和初解職除右僕
射兼侍中卒謚康靖

薛文惠公居正

同前

薛居正字子平開封人父仁謙五代史有傳居正後唐清泰中登
進士第仕周至河部侍郎建隆初知卽州有亡卒數千爲盜軍使
疑城中釋子爲之欲盡殺之居正以計緩其事生擒賊首乃和釋
子千數無預謀者乾德二年初置參知政事居正及呂餘慶首當
其選開寶六年拜相太平興國初進位司空謚文惠無子以同
姓子准吉爲嗣居正操行方重不事苛察好讀書爲文敏贍有集
二十卷詔李昉爲之序

盧丞相多遜

同前

盧多遜懷州人父億有操行仕至少府監周顯德末登進士第開
寶中累擢參知政事九年拜相多遜博涉經史善伺人主意太
祖每遣取言多遜伺知即通夕閱視詰朝問書中事應答無滯
上益寵待爲翰林學士時晏於上前毀趙普及在相位普之子
及其親屬多爲所抑普再相廉知多遜嘗遣親吏交通秦王廷美
因發其事追削官爵并其家配崖州卒于配所初王祐知制誥多
遜欲祐協力擠普一日祐以宇文融排張說事示之怒出祐知華
州及多遜敗士大夫服祐有明識

李文正公昉

子宗諤

同前

李昉字明遠真定人父超仕至集賢學士昉以門蔭補齋郎漢乾
祐中登進士第在周爲翰林學士建隆初遷中書令又盧多遜政
趙普知 太祖詢昉對曰臣書詔之外思不出位 太宗征太
原過常山賜羊酒俾於居第譙集丞相至潘侯皆賦詩刻石太平

興國八年拜相建議復時政記先進御後付史館端拱初罷淳化二年復相在位循謹自守臨事多恕為文慕白居易所居有園亭又葺郊外宴遊之地多畜妓樂娛樂親友與張洎盧多遜善薄張似上嘗問多遜昉頗為辨釋上曰多遜嘗毀卿不直一錢昉曰臣不敢誣罷相張洎草詔深攻其短張似時時造其第或問似贈司徒謚文正子宗諤宗諤字昌武第第三子七歲能屬文耻於父任得官獨由鄉舉端拱二年登進士第性廉謹衣弊策蹇人不知其宰相子也獻文召試除集賢校理太宗每有篇詠多賜昉及宗諤宗諤屬和世榮之宗諤宗諤之兄也宗諤官至諫議大夫翰林學士卒年四十九李濬與宗諤同歲同月後一日濬字德淵冀州人父超為禁卒從潘美掌刑乃美嗜殺戮超常緩之怒釋多全活者人以為有陰德濬官至右司郎中樞密直學士宗諤博學曉音律尤精於典章以革朝廷創制損益莫不與聞景德初北虜請和後一歲生辰使至首命宗諤館伴自郊勞至餞禮有節適行判太常寺鼓吹工之謬濫者無所容風流文雅內行純至事繼母以孝稱二兄早卒奉嫂字孤人無間言友其弟宗諤其篤賞延所及皆先諸姓其卒也子猶有未仕者獎借後學薦拔寒素接人有禮士大夫愛慕之其書字勢傾側後進多優筆效之罕有類者為時之所貴如此有文集六十卷內外制集四十卷又有家傳談錄行於世

呂正惠公端兄餘慶

同前

呂端字易直其先燕人父琦五代史有傳兄名犯太祖諱一字字餘慶太祖節制同州餘慶為賓佐及即位累擢參知政事蜀平知成都府不罷政事以執政蒞藩鎮自餘慶始歸朝復舊任既而引疾求罷除尚書左丞卒年五十太祖慕客餘慶居其先趙普李處耘首大用餘慶獨不介意及除執政而處耘被黜同列欲其排之上問處耘第以實對普忤旨而罷仍力為辨釋餘慶重厚有守所至以寬簡治與弟端俱以文官三品蔭浦干牛衛備

身端在周直史館建隆初遷太常丞歷官四十年始大用淳化四年參知政事至道初拜相 太宗嘗恨任用之晚端持重識大體同列奏對或多異議一日內出手札戒諭自今中書事經呂端裁決乃得聞奏 真宗即位尤加躰貌見必拱揖以其身躰偉大爲約陞陞殿所咸平初以疾罷薨年六十六贈司空謚正惠子荀藩蔚謁李惟清自樞密改中丞意端抑己屢遣人訟堂吏過又彈端久在病告端曰吾直道而行無所愧也端姿表瑰秀器識和裕屢遭擯斥未始經意嘗使高麗暴風折檣舟人恐怖端讀書自若兩使絕域後有往者必問端爲宰相未其爲遠近所慕如此

李文靖公沆

同前

李沆字太初洛州肥鄉人父炳仕至侍御史沆好學沆厚寡言有精識炳常謂人曰此兒異日必致公輔太平興國五年登進士第至王化基上書自薦 太宗曰李沆宋湜皆佳士也命相府同召試並除知制誥沆官最下特升于上累擢給事中參知政事淳化四年罷 真宗升除以爲太子賓客詔儲君待以師傅禮及即位復參知政事明年拜相北虜入寇車駕幸鄴沆留守東京不戮一人輦下肅然景德元年薨年五十八贈太尉中書令謚文靖沆博學內行修謹居位慎重門無私謁終日危坐望之儼然 上每議政語天下安治沆常以四方水旱螟蝗爲言 上深慰納既薨上對侍臣曰沆忠亮淳厚終始如一言畢涕泣久之王曰嘗自謂器節不能逮沆世謂二人皆賢相也弟贇源淮子簡

向文簡公敏中

同前

向敏中字常之開封人父瑀惟一子教督甚嚴嘗謂其妻曰大吾門者此子也太平興國五年登進士第久之 太宗飛白書敏中張詠二名付中書語宰相曰此二人名臣也朕將用之淳化四年自廣南轉運使召還除工部郎中擢樞密直學士與張詠並命是年同知樞密院事自負外郎至是凡百日爾曹擢除樞密使改副使咸平初改參知政事二年兼樞密使出安撫河北以林不魯爲人

冀從四年拜相五年坐市薛居正第罷大中祥符五年復相天禧三年薨年七十二贈太尉中書令謚文簡初太宗欲大用之當路者有言敏中在法寺時皇甫侃監無為推務以賄敗嘗求敏中從末減下御史臺捕僕詰之僕云有書敏中不啓封還之書今鑿臨江軍傳舍遺素果得書紙題如故上驚異遂登用焉罷相出知永興軍適駕幸潭州密詔俾便宜從事得詔不州邊境以安故有復用之意敏中沉毅寡私交獨爲人主所知多智善保身識大體在相位內無私諸子不使當事任雖處大事若已不與避遠權勢慎於薦拔大任幾三十年衰老猶不得謝時論目爲重德

王文穆公欽若

同前

王欽若字定國臨江軍新喻人少孤祖郁嘗曰吾歷官五十餘年慎用刑活人多矣後又有與者其吾孫乎淳化三年登進士甲科累遷知制誥翰林學士咸平四年參知政事景德初契丹入寇欽若請行以參知政事判天雄軍上親燕以遣之還朝累求罷政

宋史本傳

五

事制特置資政殿學士寵之既久又加大學士之名景德三年知樞密院事大中祥符五年除樞密使同平章事七年兼同天書刻玉使是年罷八年復樞密使平章事天禧元年拜相三年商州捕得道士譙之易畜藥書能使六丁六甲神而欽若贈之詩故罷知杭州踰年復資政大學士資善堂侍讀進司空既而除節制檢校太師除平章事判河南府以疾不俟報赴闕降司農卿分司南京仁宗即位復秘書監改太常卿刑部尚書天聖元年復相進司徒三年薨于位贈太師中書令謚文穆錄親屬及門下吏二十餘人前此宰相優卹未有其比欽若少時過園田夜視天文有紫微字赤色及使蜀褒城道中有通刺字未暇視而與之見告欽若曰異日位在宰相既去視刺字乃唐裴晉公也自是遂喜譙異事且撰文以紀之真宗即位欽若判三司理欠憑由司奏欽若至咸平浦負千餘萬釋繫囚三千餘人以廣惠澤參知政事日有訟欽若及洪湛貢舉受賂命邢昺鞠之時上領欽若方隆故湛獨流儋州人以爲寃大中祥符間與馬知節同在樞府知節忌其爲人

不能相下故兩罷之封泰山祀汾陰天下言符然欽若皆與焉
廷有所興作必委曲遷就以合 上意與丁謂陳彭山林特及內
臣劉承規交通蹤迹詭異時論謂之五鬼 真宗作喜雪詩誤用
旁韻王旦欲白欽若曰 天子詩可校以禮部格耶它日 上謂
輔臣曰王欽若幾為衆所咤與楊億等同譏冊成元龜有褒詔則
自為表謝謹問則戒史云第言億等故馬知節而斥其姦固其後
仁宗亦謂王曾曰欽若所為真姦邪也五子皆天以從姪寅其為
後欽若平日所撰有天書再降泰山祥瑞圖函符等記取管該範天
書儀制建聖傳 聖祖事迹羅天大醮五岳廣同遷叙圖列宿萬
靈朝真二圖共數百卷

丁晉公謂

同前

丁謂字公言初字謂之蘇州人嘗袖文謁王禹偁禹偁愛其文即
為詩贈孫何及謂比之韓柳名遂大振淳化三年登進士第累擢
知制誥諫議大夫兩為三司使大中祥符五年參知政事九年除

晚錄三

節制知昇州天禧間復參知政事改樞密使四年與李迪同相迪
對 上斥謂姦邪同罷而謂獨留加司空封晉國公 仁宗即位
進司徒兼侍中坐雷允恭移山陵皇堂事罷少保分司再貶崖州
司戶參軍九五年徙雷州又三年徙道州明道末復秘書監致仕
居安州又徙光州卒年七十二詔賜錢十萬緡百疋謂淳化間為
福建轉運使初置龍焙歲貢團茶數品供御咸平初峽路蠻擾邊
會分川陝為四路謂領夔州轉運使措置蠻事作誓刻石柱境上
其後又入寇止委其酋領討平之居五年詔許自舉代乃舉薛顛
景德初契丹入寇謂知鄆州虜騎稍南民大驚顛場劉渡舟人激
利不時濟謂斬死罪囚于河上舟人懼不復稽阻又令廣旗幟擊
刀斗聲振百餘里虜亟走道大中祥符初議封禪未決謂因言大
計有餘議遂定謂機敏有智謀儉巧險詖亦鮮其儔文字經目雖
千百言無遺忘在三司案牘有差老吏不能曉者決於一言皆中
其理朝廷營造莫不兼領凡奏祥瑞事皆謂及王欽若與焉少游
江南遇呂洞賓語之曰君狀貌同李德裕言訖不見其後果驗弟

誦說諫子珙玘珙

李文定公迪 遺直之碑闕

同前

李迪字復古濮州人少從柳開學爲古文開謂門人張景高弁曰此公輔器也景德二年登進士甲科累擢知制誥翰林學士天禧元年參知政事東宮建兼太子賓客寇準罷相 上欲相之迪固辭一日對資福殿皇太子出拜 上前曰蒙以賓客爲宰相 上頷迪曰復何辭耶先丁謂拜相而以丁謂爲昭文館太學位迪上帝不豫令皇太子撝軍國事丁謂獨請皇太子止決常務它皆聽旨迪爭不勝謂益擅權至除吏不以聞迪語同列曰迪起布衣至宰相能取容徇權臣耶時詔二府並進秩兼東宮官乃遷迪中書侍郎兼尚書左丞故事宰相無作左丞者謂欲以抑迪也又欲進所善林特樞密副使兼賓客迪執不可因於待漏所待之至 上前斥謂擅權不法事且言寇準無罪不當黜因格前制不下出謂知河南府迪鄆州謂入謝自陳無罪復留及 仁宗即位貶迪衡州團練使謂使人逼之至自裁不死謂竄迪稍復及 章獻皇后崩乃再相景祐二年范諷以罪貶迪坐諷姻家以出知亳州久之除翰林侍讀學士留京師奏呂夷簡結荆王元儼爲除門僧惠清守監義鞠之乃迪在中書時補降太常卿知密州久之復資政殿大學士知兗州元昊反乃上章請臨邊除節制判天雄軍康定二年請老以太子太傅致仕卒年七十七贈司空謚文定賜御篆碑額曰遺直之碑子東之徽之輔之初迪在翰林時荐飢三司調用不給 上召迪問迪對曰 祖宗置內藏軍欲攻取西北且備凶年今邊無它費以佐國用則民不加賦 上爲大發內庫金繒賜三司知秦州曹瑋數言唵嘶囉欲內寇請益兵不遣迺求罷 上問誰可代之迪曰非瑋莫能制也 陛下重發兵得非將上玉皇聖號耶 上因問陝西兵數對曰臣向在本道以方寸小策記兵及糧以備調發今猶置橐囊中 上令採取之白小黃門取帑札迪悉上合存留及調塞下數上曰不意頗牧在吾禁中矣未幾唵嘶囉寇邊復召問對曰瑋必克後數日捷報至 上曰卿何料

之審也曰彼舉兵遠來此堅壁待之是以知其必勝耳垂簾日迪
知河南許朝見章獻太后謂迪曰卿不欲吾與國事吾今保養
天子至此如何迪曰不知太后有聖德也 后喜

新刊名臣碑傳琬琰之集卷三

